


歷代史論

二編一


五



庫文閣内	
元九	漢
函	書
二	
四	
架	冊
	號
	類

内閣文庫	
番號	漢 9292
冊數	10 (3)
函號	297 180





史論二編序



淺草文庫

編年為學古有之矣後世見于

學宮若置身阿閣猶難其人至

服官奔者且挾書也遑敝帚哉

故有十年通仕籍而目不寓一



行終身薦華要而手不營一卷
往往然也間有作者慕古所爲
欲比夷班馬之林挾霜噴霧可
旦夕成之或志大而窘于寒暑
或才小而阻于倥偬暮氣龐心

終徐陵梁史狃于半途回想時
蕤奕奕動人又不屑三鼓其后
不得已取古人一二成書謬加
丹黃之後陰謀周禮竊附玄經
則螟蛉其我爲先聖之苗裔若

此尤甚夫五都之市各習其居
九野之纏不侔其次鏡于道業
雖非門分戶比然同文之盛旣
難有于技葉君子感豐蔀而思
翦焉力孤則愈壯無多讓也非

西銘孰克與此約而言之學惟
一正時有兩端畀厥職者權在
上在上者久于其分則已之心
志一矣布厥告者權在下在下
者務竭其能則天下之耳目齊

矣未合其旨賢者難之是故聖
門有回四方從者日至游夏文
學不居諸子之科西銘則有之
矣難之者曰學非適用等苟且
之音成弘而下豈無文哉而已

已庚戌功臣多元老壯猷也近
之孔棘大過于昔

廟廷亟拳勇于文章作者方臧
獲呼之奉簡書而事

明主疑于鑿鄣補稽大言匪類

乃悄悄之詩哲人愈厲間取往
事私語西銘秦焚詩書不在李
斯事不師古而在六國之君不
用孟子則蘇張之徒得而張皇
其舌有以激之矣漢興蕭何收

丞相府圖籍先王之道不難復
見于天下行之百年尚沒沒也
且已火矣何故府猶然豈別有
所云僅以資目前之刀筆而非
其至乎夫何至漢武之世始煥

乎有之當時橫經之士多來自
四方不聞出丞相府也故相業
無補而仲舒更生相望以議其
後西銘得無意乎勤北伐而思
宣王誦采芑而懷山甫鬱蒨蓋

有同心揆所繇本莫若詞林晉
令凡史官初入禁秘令先作傳
一篇以察其繇來今日似乎密
之凡兵農錢穀之事制作保邦
之猷罔不歷試庶無無能之詞

覆其艱大之任則西銘者其人
如日其道如山矣

年社弟韓四維芹城題



歷代史論二編目錄

卷之一

三家分晉

秦并六國

豪傑亡秦

高帝滅楚

諸將之叛

匈奴和親

諸呂之變

南粵稱藩

七國之叛

梁孝王驕恣

漢通西南夷

淮南謀反

漢通西域

武帝伐匈奴

武帝平兩越

武帝擊朝鮮

武帝惑神怪

巫蠱之禍

燕蓋謀逆

霍光廢立

趙充國破羌

匈奴歸漢

恭顯用事

歷代史論二編目錄終

史論二編

卷一 目錄

二

光武中興
光武平赤眉
董賢嬖倖
丁傅用事
河決之患
成帝淫荒
卷之二
歷代史論二編目錄

歷代史論二編目錄

卷之二

成帝淫荒

河決之患

丁傅用事

董賢嬖倖

王莽篡漢

光武中興

光武平赤眉

光武平漁陽

光武平齊

光武平隴蜀

楚王英之獄

馬后抑外家

竇氏專恣

西域歸附

兩匈奴叛服

諸羌叛服

鮮卑寇邊

嬖倖廢立

梁氏之變

宦官亡漢

附黨錮之禍

董卓之亂

黃巾之亂

韓馬之叛

袁紹討公孫瓚

歷代史論二編目錄終

歷代史論二編目錄

卷之三

曹氏篡漢

孫氏據江東

劉備據蜀

吳蜀通好

諸葛亮出師

附平南中

吳侵淮南

魏平遼東

明帝奢靡

司馬懿誅曹爽

吳易太子

諸葛恪寇淮南

附孫琳逆節

魏滅蜀

淮南三叛

司馬氏篡魏

晉滅吳

羌胡之叛

樹机能

齊萬年

陳敏之叛

兩晉之亂

附賈氏江左中興

諸王

胡羯

劉淵據平陽

附殺太弟又

慕容據鄴

成李據蜀

張氏據涼

王敦平湘漢

石勒寇河朔

前趙平秦隴

石勒滅前趙

氏據仇池

慕容垂滅苻

慕容暉

慕容紹宗

慕容紹宗

慕容紹宗

慕容紹宗

歷代史論二編目錄終

歷代史論二編目錄

卷之四

祖逖北伐

王敦之亂

蘇峻之亂

燕討段遼

附討宇文

趙魏亂中原

冉閔滅石氏

江左經略中原

桓溫伐燕

桓溫滅蜀

桓溫廢立

苻氏據長安

苻堅篡立

苻秦滅涼

苻秦滅燕

慕容叛秦復燕

淝水之役 慕容德據廣固 慕容滅西燕 姚萇滅秦

丁零叛燕

拓跋興魏

魏伐後燕

附慕容德據廣固

僞楚之亂

盧循之亂

譙縱之亂

呂光據姑臧

乞伏據金城

秃髮據廣武

蒙遜據張掖

秦滅後涼

歷代史論二編目錄終

歷代史論二編目錄

卷之五

馮跋滅後燕

蒙遜伐西涼

乞伏滅南涼

蒙遜伐西秦

劉裕滅南燕

劉裕滅後秦

赫連據朔方

魏滅北燕

魏滅夏

魏滅北涼

魏平仇池

劉裕篡晉

元魏寇宋

徐傳廢立

彭城王專政

宋文圖恢復

宗愛弒逆

太子劭弒逆

南郡王之叛

竟陵王之叛

廢帝之亂

宋明帝北代

歷代史論二編目錄終

史論二編

卷五 目錄

二

歷代史論二編目錄

魏代柔然

南北朝交兵

蕭衍篡齊

元魏寇齊

蕭道成篡宋

魏遷洛陽

蕭鸞篡弒

蕭鸞篡弒

歷代史論二編目錄

卷之六

蕭道成篡宋

魏遷洛陽

蕭鸞篡弒

元魏寇齊

蕭衍篡齊

南北朝交兵

魏代柔然

肇忠用事

邢巒寇巴西

梁魏爭淮堰

元叉幽后

六鎮之叛

元顥入洛

元魏之亂

魏分東西

高氏篡東魏

北齊

宇文篡西魏

後周

侯景之亂

梁氏亂亡

附陳霸先篡梁

西魏取蜀

蕭勃據嶺南

王琳犇齊

附陳伐齊

齊顯祖狂暴

附常山王篡立

安成王篡立

項

周陳之叛

宇文護逆節

宇文泰

宇文泰

宇文泰

宇文泰

宇文泰

宇文泰

宇文泰

歷代史論二編目錄終

歷代史論二編目錄

卷之七

周伐齊

附周齊爭宜陽

吐谷渾盛衰

周滅齊

楊堅篡周

始興王謀逆

隋滅陳

隋易太子

突厥朝隋

隋討高麗

煬帝亡隋

高祖興唐

唐平東都

李密

王世充

唐平河朔

竇建德

唐平隴右

薛舉

唐平河西

李軌

唐平河東

劉武周

唐平江陵

蕭銑

唐平江淮

杜伏威

李子通

唐平山東

沈法興

輔公祿

太宗平內難

太宗易太子

太宗平突厥

唐平鐵勒

唐平西突厥

太宗討龜茲

太宗平高昌

太宗平吐谷渾

太宗平遼東

太宗平突厥

太宗平吐蕃

太宗平回鹘

太宗平契丹

太宗平高麗

歷代史論二編目錄終

歷代史論二編目錄

卷之八

正觀君臣論治

唐平遼東

吐蕃請和

突厥叛唐

唐平奚契丹

武韋之禍

太平公主謀逆

李林甫專政

姦臣聚斂

宇文融 王鉞

楊慎矜 楊釗

韋堅

楊氏之寵

安史之亂

劉展之叛

李輔國用事

張后

附程元振

僕固懷恩之叛

附周智光

元載專政

吐蕃入寇

代宗幸峽

兩稅之弊

裴延齡姦蠹

吐蕃叛盟

藩鎮連兵

附涇源之變

李懷光之叛

任文用事

歷代史論二編目錄終

史論二編

卷八 目錄

二

歷代史論二編目錄

卷之九

憲宗平蜀

劉闢

憲宗平吳

李錡

魏博歸朝

田弘正

憲宗討成德

王承宗

憲宗平淮蔡

吳元濟

憲宗討淄青

附德宗討吳少誠

李師道

河朔再叛

南詔歸附

宦官弑逆

附甘露之變

朋黨之禍

武宗平澤潞

劉植

裘甫寇浙東

龐勛之亂

回鶻叛服

吐蕃衰亂

附唐復河湟

蠻導南詔入寇

李克用歸唐

黃巢之亂

藩鎮之亂

楊行密據淮南

王建據蜀

諸鎮相攻

朱溫取淄青

歷代史論二編目錄終

歷代史論二編目錄

隆及林

朱及

朱及

朱及

朱及

朱及

朱及

朱及

歷代史論二編目錄

卷之十

朱溫篡唐

宦官之亂

郢王篡弒

李氏據鳳翔

附岐蜀相攻

錢氏據吳越

附董昌僭逆

王氏據閩中

劉氏據廣州

高氏據荆南

徐氏篡吳

馬氏據湖南

晉王滅燕

後唐滅梁

莊宗滅蜀

鄴都之變

李紹琛之叛

安重誨專權

秦王之亂

契丹入寇

孟知祥據蜀

石晉篡後唐

范陽之叛

范延光

楊光遠

契丹滅晉

劉智遠復汴京

三叛連兵

郭威篡漢

劉旻據河東

世宗征淮南

歷代史論二編目錄終

歷代史論二編卷之一

婁東張溥西銘著

三家分晉

荀瑶之伐鄭取九邑也。在周元王之元年。其後伐齊圍鄭。滅夙繇。襲衛。強武最著。而族盡於無恤者。何也。以賢陵人而以不仁行之。智果所謂必滅之道也。智宗之滅。距三家爲侯。其歲遠矣。作者乃於威烈之二十三年。備記其事。志三家所繇大也。智氏不滅。晉有四卿之名。而三家不

顯智氏既滅則魏駒傳斯趙無恤傳浣及籍韓
 虎傳啟章及虔而王命及之然則智氏存亡繫
 晉乎曰否瑤之不仁甚於三卿滅范中行氏逐
 出公道死立哀公而專其政皆瑤王之使瑤不
 亡滅晉者瑤也或曰左氏傳終智伯通鑑始智
 伯通鑑所以接左氏豈無說乎曰一以示興亡
 之戒一以著周秦之端晉陽之守趙以仁興決
 水之禍智以驕滅此興亡之戒也晉分則秦強
 秦強則周亡此周秦之端也是故晉悼公合諸

侯之衆敗秦於殽林君子美之三家受幽公之
 朝廢俱酒爲家人君子惡之尤而效焉則安王
 十六年齊田和爲諸侯矣顯王五年秦獻公有
 黼黻之服矣然未若韓趙魏氏之甚也田和之
 得爲諸侯也猶會魏楚衛於濁澤求之於王也
 秦敗三晉之師受衮黼之錫王之失止於妄賞
 也韓趙魏氏則胡爲乎考之世家無請命之文
 列國無會求之牧三家爲侯直天子自命爾尤
 作史者所痛也或曰春秋之義好道而獎善苟

有善焉。小國之君。蠻夷之長。無不錄也。魏文侯
師事卜子夏。田子方。段干木。趙烈侯相公仲連。
而親牛畜荀攸徐越。二者亦當世之賢主也。絕
之不已甚乎。曰否。國家之善不易。天下之惡一
朝之令。名不改。累世之逆跡。胡氏有言。三晉欲
分宗國舊矣。委盟會于大夫。而悼公親政之志
怠。受貨賂于崔杼。而平公黨惡之訓彰。荀躒出
會。而魯昭弗歸。三臣內叛。而趙鞅復入。陰凝百
年。周雖不命。其誰與抗。是則溫公特書之意。明

大夫滅君之始。哀天子不恤同姓。而賞亂臣之
已過也。

秦并六國

秦王政十七年。內史勝滅韓。虜王安。置潁川郡。
 十九年。滅趙。虜王遷。秦王如邯鄲。二十二年。王
 賁伐魏。引河溝以灌其城。魏王假降。殺之。遂滅
 魏。二十四年。滅楚。虜王負芻。置楚郡。二十五年。
 王賁滅燕。虜王喜。還滅代。虜王嘉。二十六年。王
 賁襲齊。王建降。遂滅齊。韓亡以後。不數年間。五
 國盡入于秦。論者輒咎縱約不堅。為秦蠶食。然
 各國勢分。易離難合。秦惠文王時。蘇秦為約從。

史記二系 卷一 四
長。合六國以擯秦。未一年。秦以齊魏之師伐趙。蘇秦去趙適燕。從約皆解。國君無自強之策。勝人之具。徒藉辯士口語。要約鬼神。卽親兄弟。不能保其終。歲無貳也。蘇轍言。秦與諸侯爭天下。不在齊楚燕趙。而在韓魏之郊。商鞅收魏。范雎收韓。秦有韓魏。腹心之疾也。四國厚韓親魏。以却秦。秦必不敢逾韓魏以窺四國。信矣。然蘇秦之策。秦攻一國。五國出救。約尚破散。未得堅屬。欲令四國專衛韓魏。其誰聽焉。蘇秦主從。張儀

主衡。儀說六國事秦。適秦惠文王薨。諸侯復合從。衡人之計將止矣。終于交攜。援絕。次第就滅者。非儀之智。高于秦。乃衡之勢。便于從也。秦昭襄王稷薨。孝文王柱立。三日而薨。莊襄王楚立。三年而薨。子政立。年僅十三。國事皆委于呂不韋。朱太后淫。不制秦之可乘。莫如是時。六國皆庸主。莫能發也。秦王政九年。族誅嫪毐。遷太后於雍。內亂亟矣。令六國奮揚鐘鼓。暴其罪惡。以力則齊。以名則正。桀紂之亡。何嘗不以強哉。政

年○日○壯○六○國○日○微○地○近○者○亡○韓○魏○之○逼○于○秦○是○也○失○賢○者○亡○趙○殺○李○牧○是○也○好○小○勇○者○亡○燕○太○子○丹○遣○客○刺○秦○王○是○也○弑○君○者○亡○楚○王○負○芻○殺○其○弟○郝○而○自○立○是○也○坐○而○待○盡○者○亡○齊○王○建○聽○后○勝○言○不○修○戰○備○是○也○夫○楚○夷○秦○戎○三○家○分○晉○田○氏○篡○齊○其○子○孫○皆○不○可○以○得○天○下○燕○雖○召○公○之○餘○宗○周○已○隕○較○之○魯○衛○其○國○長○矣○王○降○則○思○霸○德○衰○則○論○力○六○國○無○德○與○秦○更○代○惟○力○是○聚○又○虛○拱○于○秦○是○兩○亡○也○然○以○是○爲○戒○後○世○猶○有○

石敬瑭之事契丹宋高宗之事金人者

豪傑亡秦

秦始皇十三歲卽位。是歲甲寅。豐沛已生漢祖。
 越十五年己巳。項籍又生。始皇南巡會稽。漢祖
 時年二十三。籍亦十三四耳。咸望見嘆息。思代
 其位。以強壯好殺之天子。田野少年。睥睨于旁。
 卒不及知。不能殺也。危矣哉。秦滅六國。十有五
 年而亡。二世元年七月。陳涉起。斬自立爲楚王。
 而景駒懷王孫心。項羽相繼爲王者四。而楚復。
 八月。武臣自立爲趙王。而趙歇。張耳。張敖爲王。

者四。而趙復。九月。田儋自立為齊王。而田市田
 安田都田榮田假田廣田橫相繼為王者八。而
 齊復。魏咎甯陵君魏豹相繼為王者三。而魏復。
 燕次于齊。韓廣臧荼盧縮相繼為王者三。而燕
 復。韓則最後。橫陽君成申陽鄭昌太尉韓信相
 繼為王者四。而韓復。或謂始皇之惡萬丹朱而
 十昆吾桀紂曷不盡誅六國子孫。俾無遺種。然
 陳勝吳廣固闕左。成也。秦亡于漁陽。唐亡于
 桂林。成卒。一呼而徧四海。能為亂者。豈必王侯

苗裔哉。秦將軍邯擊殺周文武臣。陳勝楚駒皆
 被戮。田儋周市魏咎項梁連敗死。戰略誠不下
 蒙恬也。扼于趙高。司馬奏事不達。楊榮敗走榮
 陽。詔使斬之。邯懼降楚。沛公遂入咸陽。夫一統
 殷盛天下。富強其亡。非一日而亡也。人君自亡
 之類。必先有外敵。繼以內亂。隋煬帝大業時。楊
 玄感等起兵敗死。王世充亦屢奏捷。宇文化及
 忽弑廣于江都。隋因以亡。以觀秦事。何相若也。
 王離章邯降虜于外。趙高閻樂賊君于內。子嬰

雖族高未能自全也。司馬貞云：始皇有十八子，扶蘇為長，胡亥最幼。趙高殺其十七兄而立之，以暴繼暴，宜其速亡。然胡亥愚主，豈敢望始皇哉？平居不辨鹿馬，患難惡聞盜賊，彼何能殺人殺人之者高也。高說李斯立胡亥，稱其慈仁篤厚，胡亥未成君時，尚無暴名，自高佐之，始為刻深。夫智而忍者，其忍繇已出，愚而忍者，其忍為人用，繇已出者，其忍也可治，可亂為人用者，其忍也有亂，無治。始皇狼心虎視，日夜謀吞六國，積

二十六年，方遂其志。趙高一隱宮，賤人挈胡亥用之，其亡秦也直三年耳。干戈之取天下，勞婦寺之亡天下，逸勞者累世不決，逸者一朝立潰。是故趙高之可畏，甚于始皇也。



高帝滅楚


楚漢之爭。楚可以殺漢王者。凡三。飲于鴻門。一。劍之力耳。而項王不忍。彭城高會。楚軍圍漢王。三。匝。賴大風晝晦。始得遁去。滎陽之困。紀信黃屋。左。纛。誑楚。楚兵之城東觀。而漢王乃出西門。後世讀史者。未嘗不稱漢王死而能生。亡而能存。謂爲天授。然漢王之得天下。從此決矣。鴻門之厄。始求大將。脫於彭城。始欲捐關。以東出滎陽。至成臯。而後戰守之策。無一失。夫擇大將者。

爭天下之本也。捐地以與人者，以棄爲取之善術也。可以守，可以戰，使敵疲於應命者，則取天下可以十全矣。漢王雖豁達大度，方其用兵之始，於取天下之術未深。其西入咸陽也，見秦宮室重寶婦女，卽欲留居之。樊噲以秦亡爲戒，張良以助桀爲言，乃還軍霸上。及至彭城，則收貨寶美人，日置酒高會，爲楚所乘，身幾不免。然則范增所云沛公貪財好色，其性固難猝改也。逮身更數死，父母妻子之不保，而後其用人益堅。

任術益變，非獨知己也。而又知彼，非獨善取也。而又善棄。張良曰：英布、彭越可急使，韓信可屬大事，當一面捐關以東以與三人，楚可立破也。漢王然之。於是隋何使九江，而英布倍楚；彭越往來游兵，絕楚糧食。此兩人者，間勝楚，亦間敗於楚，未嘗爲楚大難，而楚已困甚。若養其全力一舉而虜魏王，禽夏說，破趙下燕，舉齊伐楚者，韓信也。井陘之役，李左車說成安君以奇兵從間路，絕韓信、張耳之輜重，而陳餘不從。項王使

龍且救齊且客請深壁勿戰使齊王招所亡城
與漢鬪而龍且不用或者以爲信幸不知信因
敵施變其智十倍漢王卽使左車與且客之說
行未足殺信也魏趙燕齊旣爲漢國漢所獨與
戰者楚耳項王雖強豈能以一國與天下敵哉
是以迫蹙東城不復渡江羽豈畏漢王哉畏韓
信也惟楚畏信惟漢能用信是故其始也惴惴
於卮酒之間而其後則抗聲以誅羽之十罪其
始見楚兵之集則跳身以走而其後出兵宛葉

就食敖倉使項王奔走於滎陽成臯之間忽戰
忽守以坐邀其敝其所恃於人者固而更歷患
難者精也然漢王殺人之術亦繇是益工矣



諸將之叛

武涉蒯通說韓信背漢而自立。漢讓梁王越。扈
 轍勸越發兵遂反。盧縮遣張勝於匈奴。臧衍說
 勝令燕緩陳稀而與胡和。自今言之。皆人臣不
 忠之謀。不可以訓天下。若論當日事。所以為三
 人計者。皆出於不得已。其言漢王不可親。信未
 嘗不深中人情也。然雲夢之遊。成於陳平。雒陽
 之囚。迫於告變。及信越既至。一廢為淮陰侯。一
 赦為庶人。帝亦未決殺之也。夫帝有戮功臣之

史記二系 卷一
心而不敢。卽有其事。當時爲大臣者。如鄼留。諸侯能引大義。明高功。以正救其失。帝之邪心。亦可少止。鄼留旣嫌。畏不敢言。所賴維以仁恩。匡回剛戾者。呂后耳。后旣不然。而反益其毒。此漢禍所以不可救也。淮南王布反。上已有疾。欲使太子往擊。太子客說建成侯。請呂后涕泣爲上言。上乃將兵自東。止太子居守。當時天下已定。外患已除。帝亦無所忌慮。獨有妻子之言能入其心。爲之妻者。少長擾制。而復助以誅殺。信越

諸臣亦有死而已矣。且呂后殺信。有專擅之大罪。二帝知之乎。信固功臣。亦大臣也。戮一大臣。而帝不聞一罪也。卽使帝在邯鄲。倉皇不及往。反執信於獄。以尺一告帝。或誅。或族。惟命集百官。而廷議其罪。亦惟命。迺遽斬之。長樂鍾室。夷其三族。二罪也。或以爲高帝欲殺信。久私與呂后定約。而出。又不欲身有殺信名。假呂后成之。而外示憐惜。其事不可知。然縱觀當日。能與天下爭衡者。獨漢王與信耳。呂后今日殺信。明日

即玩弄帝於股掌之中。英雄無相惜之心。而老婦有日甚之毒。即帝亦且奈之何哉。是故韓信受禽。梁王震恐。陳豨未滅。燕王已貳。樂布有人。人自危之言。薛公陳淮南當反之論。惟綰亦曰。往年春族淮陰。夏誅彭越。皆呂氏許。遂不應召。帝崩。乃亡入匈奴。夫功臣誅而高帝崩。高帝崩而諸呂亂。勢會相應。可謂無天道人事哉。

匈奴和親

婁敬和戎之策。本于晉魏絳絳之言曰。和戎有五利焉。戎狄薦居貴貨易土。土可賈焉。一也。邊鄙不聳。民狎其野。穡人成功。二也。戎狄事晉。四鄰振動。諸侯威懷。三也。以德綏戎。師徒不勤。甲兵不頓。四也。鑒于后羿。而用德度。遠至邇安。五也。晉悼公從之。八年之內。九合諸侯。然絳所云和息兵。修好務。以德服而已。未嘗厚贈賂。屈體貌。最下而娶以中國王者之女也。春秋隱公二

年春公會戎于潛。善譏之。惡其失馭戎之道也。
 會戎于潛。春秋之始。會吳黃池。春秋之終。春秋
 善公會四十有六。惟于二者有異。詞裔不謀。夏
 夷不亂。華其指嚴矣。漢高祖與匈奴冒頓戰。困
 于白登。厚遺閼氏。解圍出。婁敬即說高祖以適
 長公主妻冒頓。高祖是之。冒頓弑父妻母。強于
 漠北。有王者起。誅之可也。否則待以不治。可也。
 降而為婚姻。則首居下。足居上也。且高祖擊匈
 奴。繇討韓王信。韓王信叛。降匈奴。繇畏帝之怒。

楚王信方執韓王信。已叛。帝欲滅匈奴。韓信彭
 越黥布皆足使也。必欲殺之。何哉。韓王信叛。則
 連匈奴。燕王綰叛。亦連匈奴。帝不能使功臣滅
 匈奴。而反驅功臣入匈奴。計亦悖矣。婁敬初衣
 褐見。請都關中。以此有名。既又言匈奴見短。伏
 奇不可擊。為帝親信。齊虜得官。無過口舌。寧識
 禮義教化哉。唐高祖起太原。借兵突厥。遂與和
 親。太宗因而不改。為盛德累。然薛延陀遣使乞
 和親。公主行有日矣。契苾何力言不可。太宗善

其策詔真珠親迎以計絕之真珠憤死薛延陀
 平許和而絕中國猶有利焉余竊悲當日張良
 蕭何諸臣不能力爭漢失也魯元公主已嫁張
 敖設聽敬言公主竟棄敖從冒頓乎戰國之世
 周分爲三有周赧王東周君西周君之稱周亡
 海內曠無天子者三十五年秦政既帝滅絕仁
 義天下不爲夷者幾希漢祖于父不辭擁篲于
 女則許更嫁羣下相視若無足恠知風俗未盡
 變君臣皆不學也

諸呂之變

漢高帝卽尊位十二年崩孝惠帝立呂太后卽
 囚戚夫人召趙王如意入長安亡何皆殺之則
 惠帝元年也高帝初寵定陶戚姬踈呂后欲廢
 太子立趙王帝崩呂后卽肆其忿孝惠與母同
 讐宜心快之乃趙王來親迎霸上與入宮起居
 飲食呂后伺間殺趙王帝腰斬官奴見人豕大
 哭病不起凡爲人子天性仁厚者誠不忍父母
 有過同室誅夷也衛宣公烝於夷姜生子伋既

史記二編 卷一
奪伋妻。生壽及朔。詩人賦匏有苦葉。賦新臺者也。宣姜與朔構子伋。公使諸齊。使盜待諸竟。壽子以告。使之行。伋不可。壽子飲之酒。載其旌以先。盜殺之。伋至。又殺之。詩二子乘舟之所爲賦也。呂太后愛孝惠。而殺戚姬。趙王孝惠反。以傷戚姬。趙王病崩。何異衛宣姜欲殺伋。而及壽乎。孝惠在位七年。政繇太后。帝崩。又臨朝八年。是呂氏爲天子十有五年矣。呂后僭位十五年。天下晏然。衣食滋殖。唐武后僭位二十一年。刑罰

峻。用大亂不起。是惟適當國家強盛。黎民休息。得恣淫暴。下不敢難。豈天亦助女主乎。惡二后者。譏其稱制。與王莽之十四年有同貶焉。孝惠崩。發喪。太后哭泣不下。心畏太。臣未敢。卽王諸呂。張辟彊說丞相陳平等請之。太后說。哭乃哀。張良佐高祖成帝業。又保孝惠。無廢稱純。臣孫子不肖。背君親。黨呂氏。罪當死。然十五歲兒。未足深責。陳平周勃身爲大臣。不能守王陵之正。阿意取寵等之導亂矣。呂祿呂產旣王。握南北

史記二編 卷一
軍太后誅戮無忌。少帝幽殺。趙王友。趙王恢與
燕王建父子俱死。將相大臣危不自保。幸太后
老死。齊王兵起。灌嬰留屯滎陽。酈寄游說呂祿
紀通矯節。朱虛奮勇。始得勃入軍門。捕誅諸呂。
否則祿印不解。重兵在呂大臣。蔥弱相仗。莫發
戰于闕下。勝負未可知也。呂氏崩。戒祿產母送
喪。爲人所制。呂祿與酈寄出游獵。呂嬃怒其棄
軍。散珠玉寶器。呂氏男子皆碌碌。其強者獨婦
人耳。然亦無奇能異智。當日平勃諸臣。但心懾

于淮南彭越之死。各爲身謀。奉令惟謹。太后威
權實羣下推長之不死。烏能動哉。周詩有云。俟
河之清。人壽幾何。呂氏爲高祖微時妃。高祖崩
時年六十三。又十四年后方崩。宛其死矣。他人
是愉。陳平周勃可謂善俟者矣。

長沙王吳芮。秦時番陽令也。甚得江湖間民心。號曰番君。後以率百越佐諸侯從入關功。封王。高帝既帝。制詔稱忠。南粵王趙佗。故秦南海尉也。高祖既定天下。遣陸賈因其地立之。與剖符通使。和集百越。大漢方興。芮從于舉兵。之始佗服于功成之日。兩人皆可謂知幾達變矣。佗家本真定。令于龍川。南海尉任囂病且死。召屬以事。時天下虎爭。中國擾亂。囂憂地無所託。舍子

南粵稱藩

長沙王吳芮。秦時番陽令也。甚得江湖間民心。號曰番君。後以率百越佐諸侯從入關功。封王。高帝既帝。制詔稱忠。南粵王趙佗。故秦南海尉也。高祖既定天下。遣陸賈因其地立之。與剖符通使。和集百越。大漢方興。芮從于舉兵。之始佗服于功成之日。兩人皆可謂知幾達變矣。佗家本真定。令于龍川。南海尉任囂病且死。召屬以事。時天下虎爭。中國擾亂。囂憂地無所託。舍子

孫親舊而用佗。知佗者深也。豪傑相攻。南海僻遠。擊并二郡。坐大自王。無戰鬪之勞。依險阻之固。生民有主。稱臣奉約。慮所素定。楚人陸賈。微便進說。佗卽下拜。親戚墳墓之情。未嘗忘肆。然欲爲中原主。則不能與。不敢持此安歸乎。高帝之不用兵。陸生之縱口辯。咸窺知其情。毋煩亡矢遺鏃。而直以柔屈也。高帝崩。呂后稱制。佗卽自號爲帝。發兵攻長沙邊邑。夫老婦僭位。淫人凶國。四夷君長有能聲討者。大義歸之。佗何知。

此但見隔絕器物。背前信令。則怒而挺戈耳。孝文卽位。南粵地廣。富強倍昔。日寧可以兵服乎。陸賈再使佗去。帝制黃屋左纛。願嘗奉貢職。誠招攜以禮。懷遠以德哉。柔制之道。猶循高帝也。夫秦亡而佗王。呂僭而佗帝。其倔強也。非叛畏高祖之威。感文帝之仁。其向化也。則誠崎嶇山海。抱孫事漢。進同禮義之俗。退免後夫之凶。在佗所處。如是足矣。班固贊吳芮之起。不失正道。能傳號五世。慶流支庶。予于趙佗。亦云韓信。彭

史記二編 卷一
越功高天下。據地非僻。無論其志不安于尉佗。卽欲爲佗勢逼高帝矣。亦不可得。是可悲也。

七國之叛

吳王濞。高祖兄仲之子也。楚王戊。高祖同父少弟。楚元王交之孫也。膠西王卬。膠東王雄。渠。菑川王賢。濟南王辟光。高祖長庶男。齊悼惠王肥之子也。趙王遂。高祖諸姬子。趙幽王友之長子也。濞年二十有氣力。以騎將從高祖破英布軍。旣封吳王。王三郡五十三城。高祖見其狀有反相。拊背戒之。文帝之世。失藩臣禮。不朝京師。其悖逆出天性。非必激于晁錯始亂東南也。然濞

史記二編 卷一
擅銅鹽畜亡命黃屋爵人者四十餘年至景帝時人已老矣令帝效孝文寬仁無遽削地死後分封支庶漸殺其勢吳可不勞而定也錯說帝急削吳遂招楚趙諸齊同反謀誠不詳獨袁盎潛入帝驟殺錯快人私讐無益國計鄧公所爲稱寬也夫吳不削則不反削則必反不削而禍大憂在國削而禍小憂在錯錯則主削者也主吳之削而不知所以塞吳之亂則錯之所長僅能削人而已惡足稱智哉錯促吳反反欲自居

守而令天子將兵盎說帝殺錯以罷吳兵兵則不罷而盎使脫歸二臣皆有死道錯死盎生漢法不平甚矣周亞夫往擊吳楚趙涉說其走藍田出武關而殺澠之伏兵不發鄧都尉請堅壁昌邑以梁委吳用輕兵絕餉道全疆制罷極從之而七國之師三月破滅亞夫雖能將兵尤善用言凜則有田祿伯桓將軍周丘不知任也取梁據洛吳之長策舍此求濟進退無據矣高祖臨崩遺命用周勃爲太尉以安劉氏文帝崩亦

戒景帝緩急將亞夫。卒破七國。二帝知人善任。易世猶治。彼同姓傾仄。忿決一朝者。宜未可以語此也。

梁孝王驕縱

孝文帝三年夏五月。匈奴入寇。帝如太原。濟北王興居反。遣柴武擊之。興居兵敗自殺。六年冬十月。淮南王長謀反。廢徙蜀道死。景帝三年。吳楚七國反。周亞夫討平之。漢是時宗室之變亟矣。又四年。有梁王武殺袁盎之事。何居文帝之世。淮南王長來朝。殺辟陽侯。審食其。爲母讐也。梁王與盎非讐。而殺之者。惡其格立弟之議也。且審食其漢之罪臣。盎則漢大臣也。淮南王所

殺止一食其梁王刺客所殺則盜及議臣十餘人也長情可原武罪難恕竟釋不問者一則曰親文帝在代時前有后生三子及竇太后得幸前后母子皆卒矣竇后生孝景帝梁孝王武諸姬生代孝王參梁懷王揖揖參先亡景帝在位所存惟武又重以母弟之戚太后慈愛非他王比也一則曰功吳楚之反先擊梁棘壁殺數萬人梁王城守睢陽使韓安國張羽等距戰吳楚不敢過而西勞苦至矣帝厚梁王以功以親梁

王自驕亦以功以親太后非王食不甘味寢不安席即有殺盜罪王未可誅也吳王濞初叛要約諸國濟北王志城壞未完其郎中令劫守王不得發兵吳楚敗志欲自殺公孫攬為見梁王說其解紛得不坐梁王殺盜使鄒陽入長安說王長君請命于天子即攬智也景帝上奉母氏之命內聽皇后之言梁事必欲無竟田叔等適緣其意焚燒獄辭帝亦可因以謝天下矣濟北王興居與朱虛侯章誅諸呂迎立孝文功最大

史記二編 卷一
帝絀其封。怨望稱兵而死。漢初同姓諸王名不
軌者莫不幸于興。居莫幸于梁王。蓋不賞者難
居。深根者易完也。文帝初卽位。有司請立太子。
帝下詔博求賢聖。推讓宗親。其言美其實非也。
景帝亦詭辭傳位以悅太后。梁王竟啓驕戾。大
臣不得其死。周公致謹桐葉戒成王。毋戲言。慮
誠深遠哉。

漢通西南夷

南夷君長。夜郎最大。其西滇最大。自滇以北。邛
都最大。其外西自桐師以東北。至葉榆。名爲嶲
昆明。自嶲以東北。徙祚都最大。自祚以東北。冉
駝最大。自駝以東北。白馬最大。皆巴蜀西南外
蠻夷也。後大抵屬漢。南夷爲牂牁郡。邛都爲越
嶲郡。祚都爲沈犁郡。冉駝爲汶山郡。廣漢西白
馬爲武都郡。滇爲益州郡。大漢兵威蕩定。郡氏
雄哉。孝武誠足總八蠻制六合矣。班固云西南

夷發於唐蒙司馬相如兩粵起嚴助朱買臣朝
 鮮繇涉何頗咎三方之開自好事之臣然南粵
 者桂林南海象郡閩粵者閩中郡東粵者東甌
 郡秦所置也朝鮮則周封殷太師之國戰國時
 朝鮮準僭稱王屬於燕後燕人衛滿破王準有
 其地是皆中國臣屬或貳而討師猶有名西南
 夷則椎結編髮去中國遠南夷之端于番禺見
 拘醬于大夏見邛竹杖始知其路即無通於漢
 奚病焉且唐蒙請通南夷夜郎司馬相如即請

通西夷邛笮比巴蜀四郡戍饜不通夷又數反
 上遂罷西夷獨事南夷繼聞張騫言則西夷之
 使復出彼使外國馳絕域者兢侈所聞歸告天
 子僅念于方士之無根神山之未見天子即信
 好之于是邛笮矢洋溢荒徼以輜軒博物之言窮
 生靈暴露之患功即非常事誠得已淮南王安
 諫伐閩越莊助往諭以指公孫弘請罷蒼海朔
 方之役朱買臣等難以十策豈帝果以蠻夷山
 川地圖寸數用兵非難哉厭常說而樂奇聞志

將馳驚并包而不反也西南夷君長百數獨夜
 郎滇受王印滇又最寵史書異之或者天亦欲
 諸夷上通中國是以蒙騫相如建其說郭昌衛
 廣奮其威適與時會歟

淮南謀反

史言淮南王長剛戾谷口謀泄身死輜車罪不
 足憐然觀其袖鐵椎椎辟陽侯令從者魏敬到
 之馳走闕下肉袒謝雖豫讓荆卿不若是氣決
 也辟陽之罪莫大於侍太后監宮中厲王責以
 三罪而不之及蓋為親諱也文帝心知辟陽大
 惡難於顯言快心厲王之一擊而赦弗治亦所
 以全親也若以春秋之義斷之厲王專殺之罪
 小討賊之功大帝錄其功而赦其罪因其念親

之誠而教以忠孝之道。自此世為賢藩臣可也。迺日驕縱之。而生其邪謀。則文帝過也。袁盎曰。上素驕淮南王。弗為置嚴傅相。以故至此。嗟乎。此豈特為厲王言哉。繇而不察。安賜之變。又見告矣。文帝悼傷民歌。封厲王四子。賈誼痛言其禍。引白公為戒。然孝景三年。吳楚七國之叛。使往來廬江。弗應。衡山堅守。淮南王安欲發兵。應之。為相所制。乃復為漢。當時皇帝褒美貞信。必苦卑濕。賜謚徙地淮南。諸子恩厚最著。彼亦

何嘗有反側之行。邪辟之心哉。即安數欲反。謀之伍被。被極陳患害。安為氣結流涕。令被堅守。其言請以死爭。則安謀當寢。而執義不回。踪跡覆敗。是所謂君非其君。臣非其臣也。衡山王賜惑於其后。徐來囚太子爽。而佩次男孝。以王印。遂至太子告變。闔室誅死。跡其所造。輜車鏃矢。璽印反具。亦以備淮南耳。非果倍漢而自為也。而二子搆釁。陰事宜露。衡山之死死於家人。非教訓不豫之故哉。予嘗論淮南父子之不得其

死○長○失○於○剛○安○矢○於○文○賜○失○於○愚○而○禍○本○在○於○
無○嚴○傳○相○傳○相○無○人○在○王○左○右○者○大○逆○則○爲○柴○
武○開○章○之○聚○兵○小○逆○則○爲○雷○被○白○羸○之○上○書○大○
逆○負○漢○小○逆○負○王○奸○人○之○志○要○在○破○人○父○子○危○
人○君○臣○滅○人○社○稷○而○已○他○何○所○計○焉○袁○盎○陰○賊○
著○心○長○於○傾○危○獨○論○淮○南○一○事○質○而○近○理○亦○尚○
論○者○所○節○取○也○

漢通西域

漢武帝元光二年擊匈奴元鼎二年通西域誘
擊匈奴之策發于王恢一不效立誅死西域始
自張騫元朔三年騫即官大中大夫出使十餘
年方得通初行百餘人惟二人得還帝未嘗詰
責也匈奴數爲漢患攻邊塞西域則去漢遼絕
矣史言帝睹犀布璚瑁則建珠崖七郡感枸醬
竹杖則開牂牁越巂聞天馬蒲陶則通大宛安
息譏其貴異物勞中國也帝伐匈奴專任衛青

霍去病雖士卒耗敝多斬獲立功伐宛之役則
欲侯寵姬李氏而將廣利大發兵車挫于郁成
逾年僅能斬宛王母寡取善馬數十匹得不補
失重困海內至張騫失侯說招烏孫以公主妻
其王辱國甚矣昆莫初尚江都王女既苦老欲
使孫岑陬尚之公主不肯聽天子報從其俗宣
帝之世楚主妻岑陬肥王狂王復室焉年老土
息哀愈黃鵠夫武帝欲制兩越則通西南夷欲
斷匈奴右臂則通西域人臣喜事必窺天子所

急以說中之及西域既開大宛月氏大夏烏孫
于寘扞罽諸國咸以義屬方謂廣地萬里重九
譯致殊俗聖天子德威無二也乃公主下嫁烏
獸不別絕漠未窮閨門先贖漢直爲夷烏足道
哉武帝雄材大畧欲駕文景而慚德有三董偃
幸于竇太主而不誅以樂大尚衛長公主詔細
君從烏孫俗是也宣帝能揚呼韓稽顙之威不
洗楚主烝報之耻其循孝武之失而未察乎抑
劉敬始議和親高祖降家人子于單于其時公

主固已許從胡俗哉是故罪張騫者必先罪劉敬罪武宣者必先罪高祖

[Faded bleed-through text from the reverse side of the page]

武帝伐匈奴

漢武帝元光二年帝即位之八年也其年夏六月遣間誘匈奴單于入塞將軍王恢等伏兵邀之不獲恢以罪下吏自殺元朔元年匈奴寇上谷遣車騎將軍衛青等將兵擊却之二年青等取河南地立朔方郡五年匈奴入寇青率六將軍擊之還以青為大將軍元狩二年以霍去病為驃騎將軍擊敗匈奴過焉支至祁連山而還秋渾邪王降置五屬國以處其眾四年遣衛青

史記二編 卷一 武帝伐匈奴 三十三
霍去病擊匈奴青部前將軍李廣失道自殺去
病封狼居胥山而還詔以青去病皆爲大司馬
蓋漢自元光六年以來衛霍有事於匈奴至是
凡八出矣元狩六年去病卒元封五年青卒帝
猶盛擊匈奴不止及戾太子之變始有悔心輪
臺詔下不復出軍時征和四年也改元後元而
帝崩矣班固云建元六年蚩尤之旗見其長竟
天後遂命將出征畧取河南建置朔方其春戾
太子生自是之後師行三十年兵所誅屠夷滅

死者不可勝數及巫蠱事起京師流血僵尸數
萬太子子父皆敗故太子生長於兵與之終始
及論匈奴又云當孝武時雖征伐克獲而士馬
物故亦畧相當雖開河南之野建朔方之郡亦
棄造陽之北九百餘里匈奴人民每來降漢單
于亦輒拘留漢使以相報復其言皆質今猶蹙
之然匈奴圍高帝嫚呂后有累世之讐武帝復
之衛霍雖繇外戚起帝任以戰事至匈奴遠遁
幕南無王庭亦可謂義大齊襄之滅紀明同高

祖之任人矣。且武帝久臨海內，單于數死，軍臣
 死于元朔之三年，伊穉斜死于元鼎之四年，烏
 維死于元封之六年，烏師廬死于太初之三年，
 响犁湖死于太初之四年，且鞮侯死于太始之
 元年。其間以弟代兄，以季父代兄子，年歲不長，
 師旅罷困，皆天所以助中國之神靈也。秦始皇
 既帝，使蒙恬北擊胡，收河南地為四十四縣，築
 長城，起臨洮，至遼東，延袤萬餘里。後世雖咎其
 暴師之失，而終享其亭障之利。漢武擊匈奴，功

罪亦然。然文景之世有虜，而治哀平之世無虜，
 而亡夷狄者，誠聖人外患之資，而秦皇漢武必
 謂盡滅之始，可以安子孫，則志大而計左者也。

武帝平兩越

南粵王胡尉佗孫也。服蜀漢久。迫于閩粵。天子
 為發兵誅閩越王郢。胡頓首感德。遣子嬰齊入
 宿衛。恭順異它國矣。胡薨。子嬰齊立。嬰齊薨。子
 興立。僭璽內藏。侍子無闕。世樂奉蕃。保不失禮。
 忽抗兵殺將。國蹈破滅者。繇中國之使不得其
 人也。嬰齊后為邯鄲穆氏女。少與安國少季通。
 其國莫知。後位太后。心繫強漢。天子遣一介之
 使。徵其入朝。母子必願奉約束。即不入朝。亦修

屬

史記二編 卷一 三十五
職如祖宗時奈何遣少季行也。少季淫人通外國。后法當死。宥而不誅。可矣。遽啣帝命。輕歷國都。復通膠氏。縱其游談。使少主蒙魯莊之耻。國人懷文姜之怒。敝笥有刺。人豕將興。呂嘉相三王宗族貴重。能忍此乎。太后置酒。縱嘉以矛。王無意殺嘉。相持未發。韓千秋。膠樂。賈勇。直驅嘉等。決反。王與太后俱死。後雖樓船。伏波。師邁。雷霆。司馬。越郎。功成。折首要于天子。懷遠之仁。討逆之義。兩無處矣。東越王餘善。閩越王郢弟也。

郢擅擊南越。帝命將往討。餘善殺郢以謝天子。乃罷兵。漢立繇君丑。餘善復竊號。遂兼立之。南越既平。憑險息。逞始殺兄。以爲利。繼背漢。以自雄。卒誅之者。非它人。故越衍侯。吳陽。建成。侯。敖。與繇王居股也。忍戕所親者。其親必反。戕之死。且愧于呂嘉矣。楊僕陷尋陝。破石門。討南越。功最多。帝復任以東越。恐其矜高。敕書責以五過。僕謝罪效死。師行再克。漢高踞。見黥布。而英雄折心。孝武敕責楊僕。而大帥盡力。二帝皆善將。

將者哉

[Faint bleed-through text from the reverse side of the page]

武帝擊朝鮮

朝鮮之釁。開于涉何。帝奮兵威。定為四郡。顧論
賞封侯。惟尼谿相參。韓陰王。映。右渠。子長。路人
子最。皆朝鮮之故王公將相也。漢將吏則並得
罪。楊僕贖為庶人。荀彘。公孫遂。衛山。誅死。帝素
不吝封賞。以勸將士。何朝鮮之役。獨忍刑戮哉。
夫涉何奉天子命。誘諭朝鮮王右渠。無故殺其
裨王。啓邊釁。罪當誅。帝反厚爵之。朝鮮怨而襲
殺何。是朝鮮之不順。繇帝失賞也。衛山以往諭

右渠而太子不至。誅公孫遂以助荀彘。執楊僕。誅時朝鮮尚未定也。楊僕受降。荀彘併擊。尼谿相參等殺右渠。誅成已。來歸。則朝鮮定矣。即僕忌彘而不急擊。朝鮮彘不用天子命而私執僕。兩將不相能。咸有罪。然既定朝鮮。可以功補一。誅一贖勞。臣不服也。帝既失賞于涉。何不當又失刑于彘。僕而決行之者何也。王恢討閩粵。常有功矣。既聽聶壹計。誘擊匈奴。單于覺而去。恢不出。帝下之廷尉。恢行千金于田蚡。太后為請。

帝曰。不誅恢。無以謝天下。恢聞自殺。帝誠以刑名之學。行于師旅之間。是故王恢有罪。無功而不恕。荀彘有罪。有功而不恕。恢所坐者。曰首為馬邑事。復不擊胡。輜重也。彘所坐者。曰爭功相嫉也。僕坐擅先縱。失亡多。當誅矣。而得贖者。以平兩越。功寬之也。誅王恢而後。人臣不敢微幸于邊場。誅荀彘而後。大將不敢擅命于境外。此帝用法之深也。即于彘微忍。不惜矣。

帝曰：「朕聞古之聖王，必先慎乎德，而後用刑。今朕聞之，而不敢行，是以天下無道，而後用刑。朕聞之，而不敢行，是以天下無道，而後用刑。」

武帝惑神怪

漢武帝元光二年冬十月。如雍祠五時。始親祀。竈遣方士求神僊。征和二年夏。諸邑陽石公主反。長平侯衛伉皆坐巫蠱死。帝如甘泉。秋七月。皇太子據殺江充。詔劉屈氂討之。皇后衛氏及擄皆自殺。時帝求神僊者凡四十三年。神僊不至。反得巫蠱。何不幸也。夫帝求神僊愛長生也。誅巫蠱惡速死也。神僊在蓬萊弱水之間。形象影響不可致。巫蠱則求之輦轂索之後宮。皆是

何海內祝帝者少。詛帝者多也。征和四年春正月。帝如東萊。三月。耕于鉅定。還至泰山。罷方士。候神人者。戾太子既死。巫蠱與神仙並絕矣。神僊興則巫蠱至。巫蠱滅則神僊止。帝始求神僊之福。反獲巫蠱之禍。既察巫蠱之寃。即悟神僊之妄。二者廢興。固相終始也。帝初好神僊。年方少壯。少翁樂大貴。寵盈極。咸以誣罔伏誅。樂成侯丁義亦坐薦大棄市。雖服奇。慕異明威尚存。後漸耆艾。思僊彌深。公孫卿等縱言神祠不加。

謹呵。冀其或遇。思僊不得。則諱言死亡。惡闢詛。呪秦始皇二十九年。東游至陽武。張良擊中副車。令天下大索十日不得。遂登之罘。刻石而還。武帝征和元年冬十一月。亦大搜長安十日。秦皇之索。以博浪沙中之鐵錐操之者。實有人也。帝居建章宮。所見帶劍男子。則未嘗有人也。好生惡死。疑心内生。人形彷彿起于耳目。龍華刺客猶東萊大人之跡。虛相捕告。人盡可死。連坐數萬。怨氣烝薄。非太子身當之害。未有已。蓋帝。

史記二編 卷一
好○神○仙○則○惡○巫○蠱○惡○巫○蠱○則○無○罪○殺○人○無○罪○殺○
人○則○禍○及○太○子○長○生○未○成○骨○肉○先○破○神○仙○生○人○
者○也○非○殺○人○者○也○帝○可○以○悟○矣○田○千○秋○爲○太○子○
訟○寃○帝○族○滅○江○充○家○焚○蘇○文○于○橫○橋○上○復○請○罷○
斥○方○士○帝○卽○從○其○請○片○言○悟○主○感○通○若○神○適○當○
悔○覺○論○說○易○施○然○帝○好○神○仙○久○下○鮮○直○諫○強○正○
如○汲○黯○廷○諍○闕○如○予○不○能○無○望○于○賢○者○也○

巫蠱之禍

武帝年二十九始生太子據衛夫人子夫出也
子夫爲平陽王謳者驟入宮貴幸帝廢皇后陳
氏而立之以賤加貴失德貽譏然衛氏素謹大
將軍青尊寵有功能禮讓不伐據自元狩元年
立爲太子長稱仁恕尹徒仔鈞弋夫人更幸衛
后寵衰母子慎自持鮮過行帝亦憐念無兩心
巫蠱忽起江充發難遂至血流長安思子宮作
寵始禍終天下悲焉陳皇后長公主嫖女驕貴

十餘年無子。聞子夫有寵，怨恚帝，怒窮治其巫蠱祠祭祝詛事，斬女子楚服，連及者三百餘人。奪后璽綬，退居長門宮。衛后母子亦死于巫蠱。若有天道，然陳后之廢，繇挾婦人媚道自敗，不聞後庭嫉譖，未可以罪衛后與太子也。江充始嫁女弟于趙太子丹，親近敬肅王，爲上客。後負罪逃入關，詣關告變，丹繫獄至死，賊臣姦譌，被人父子罪當族滅。帝反目爲奇士，任以督察。巫蠱之起，誅夷數萬，充卽借以搖撼太子。太子

懼不自明，收充斬之。蘇文奔告，帝召太子，使者不達，遽以反報，害遂不救。夫充賊太子，太子殺充，雖云擅誅人心所快，殺充之後，令太子急詣甘泉，涕泣陳罪，帝心未必無動。柰何發兵與丞相鬪也？天下莫親于父子，而充敢于危之恃帝之忍也；天下莫親于父子，而太子受誣不敢見殺，一罪臣不敢訴，亦畏帝之忍也。太子始以懼父而殺充，繼以殺充而疑于背父，使命一言之惑，竟成父子相夷之禍，骨肉至戚相見而親不

相見而離苟有瑕疵託于言語假以傳宣門庭之內羌夷頓生斷首方痛時則晚矣司馬光責武帝十失言若龜鑑若爲人子者處此與其背父而生寧見父而死且天下亦安有無父而可以生者哉

燕蓋謀逆

孝武六男衛太子敗而燕王旦廣陵王胥多過失寵姬王夫人男齊懷王李夫人男昌邑哀王皆早薨遂立鉤弋趙婕妤子爲太子是曰昭帝帝卽位時年甫八歲外有霍光金日磾上官桀輔政內有長姊鄂邑蓋長公主共養師保備矣不虞公主之私馴成大逆也蓋主私河間丁外人猶館陶公主之有董偃也武帝不殺偃昭帝與霍光效之不絕主驩詔外人入侍閨門慙德

史記二編 卷一 四三
開于英主提抱之天子不學之大臣寧知正厥
考哉上官安女年五歲欲納宮中是時帝年則
十二矣君非匹敵下有邪心霍光謝之禮也安
請外人說蓋主竟立爲后國之大變也立后大
事公主可以擅行欲去一光何難乎始元元年
燕王旦結劉澤等作亂事敗澤誅赦旦弗治帝
誠失刑然幼弱初立壯王難除赫然之誅人臣
或未敢議且安知非公主左右之也蓋主與上
官桀父子怨光桑弘羊等附之與燕交通令旦

上書罷光計旣不行反謀遂決始僅兒女猥賣
之愛官府嫉妬之微積漸生釁不亂不止蓋蓋
至立后則外人求侯求侯不得則思去光去光
不得則思廢帝立旦公主與上官霍氏何親何
疎不過因外人而發忿爾夫公主稱叛者漢有
鄂邑唐有高陽太平其人才智各殊病皆繇淫
心之不制孝武以帝屬光望其爲周公輔成王
乃使淫婦人日在左右慮亦疎矣燕王始亂帝
不殺之養成其逆公主桀安等謀害光帝覺其

身言二編 卷一
奸不能遠。卒比燕爲亂。危乎微乎。元鳳元年。八月之變。非復夏陽男子北闕之詐也。杜延年入告罪人。悉誅禽獮之易。無異雋不疑。叱縛成方。遂漢廷猶有人乎。孝武託昭帝於霍光。古今稱其明識。獨上官桀以奉蓋微誠。涕泣詭對。亦被顧命。幾搖天下。知人豈易言哉。

霍光廢立

天下有無望之福。霍光縣吏子所出微。以驃騎故得任爲郎。出入禁闈二十餘年。一旦以奉車都尉遷大司馬大將軍。受遺詔輔少主。是也。天下有無望之禍。光輔昭帝十三年。百姓充實。四夷賓服。不幸帝崩無嗣。昌邑王復淫亂不道。光廢昏立明。漢室危而復安。身死未幾。宗族誅夷。是也。夫始也光無周公之望。而任以周公之事。既也光有周公之功。而不食周公之報。論者輒

嘗稱武帝知人而惜孝宣微少恩也然以光論大臣前後禍福之殊亦觀於居心公私之際而已當昭帝方崩羣臣議立廣陵王光以先帝所不用內不自安乃迎立昌邑王賀賀受璽二十七日為荒淫迷惑千一百二十七事光憂懣無所出田延年以伊尹廢太甲請始定圖計白太后下詔解脫王璽組歸邸廷議所立丙吉杜延年盛稱曾孫德美遂迎於尚冠里進登帝位光之不立廣陵王胥也非有所憾於廣陵也以先

帝之所惡也昌邑之立而復廢也與天下公立之與天下公廢之光無所喜怒于其間也皇曾孫雖賢少倚許廣漢兄弟及祖家史氏與光無平日之素養視之情特以眾所稱述而建焉凡光行事皆非得已當田延年按劍之時丙吉奏記之日光所汲汲惟漢之無君而有君爾進不知其嫌成不敢為德即後之幸而禊安亦未及計存此心也賢君長世而身名尊盛有以夫故曰霍光之擁昭立宣以公受福霍禹怨望朝廷

任宣曰。大將軍時殺生在手。李种王平賈勝胡
徐仁逆意獄死。百官但事馮子都王子方。視丞
相亡如。以此為禍。愚謂此猶恩怨之小者也。光
之失莫大於不發舉霍顯而署淳于衍。勿論也。
顯欲貴小女成君。使衍投毒弒許后。罪在不赦。
使光因人上書治侍疾之醫。發舉顯謀。即周公
誅管蔡。不過是也。且匹夫庶婦不得其死。尚足
感傷陰陽。逆召乖氣。世未聞有殺皇后而無罪
者也。發之則罪止。一顯隱之則害必三。族光不

忍割妻子之私。而利貴其女。卒之舉族覆滅。女
殺雲林。此所謂能斷社稷。不能斷家庭。知有目
前。而不知天下後世也。故曰霍光死財三年。而
連坐誅滅者數十家。蓋以私召禍。

趙充國破羌


西羌研種者。羌無戈爰劔之後也。漢景帝時。研種留何率種人求守隴西塞。於是徙留何等於狄道。安故至臨洮。氏道羌道縣。及武帝征伐四夷。開地廣境。北却匈奴。西逐諸羌。乃渡河湟。築令居塞。初開河西。列置四郡。通道玉門。隔絕羌胡。使南北不得交關。障塞亭燧。出長城外數千里。時先零羌與封養牢姐種。解仇結盟。與匈奴通。合兵十餘萬。共攻令居安故。遂圍枹罕。漢遣

李息徐自為擊平之。始置護羌校尉，持節統領焉。羌乃去湟中，依西海鹽池左右。漢遂因山為塞，河西地空，稍徙人以實之。宣帝時，光祿大夫義渠安國覘行諸羌，其先零種豪言願得渡湟水，逐人所不田處畜牧。安國奏聞，後將軍趙充國以為不可聽。後因緣前言，遂渡湟水，郡縣不能禁。元康三年，先零與諸羌大共盟誓，將欲寇邊。帝聞，復使安國將兵觀之。安國至，召先零豪四十餘人，斬之，因放兵擊其種，斬首千餘級。諸

羌怨怒，遂寇金城，乃遣趙充國與諸將將兵六萬人，擊破平之。後漢書敘西羌若此。是宣帝之世，羌亂于義渠，安國治于趙充國也。成帝時，西羌嘗有警，上思將帥之臣，追美充國，召楊雄為頌，比之方虎。顧其所制羌者，未嘗窮武，思盡惟在離其黨，與屯田待敝而已。先零欲反，罕开豪靡當兒先使弟雕庫來告，充國即縱歸，使告種豪，招以威德。當時破羌強弩兩將並出，天子璽書責讓，道路咸欲鳴劔，鮮水揚旌，太白充國獨

持重無應廟堂報可振旅成功蓋群臣所欲擊者罕开而充國所專誅者先零羣臣擊罕开以騎兵而充國敝先零以留田卒也先零破而罕开順屯田成而騎兵罷營平守節鬼方賓服偉乎老臣之獨斷明主之善聽也充國遣還靡忘護軍以下皆爭充國曰諸君但欲便文自營非為公家忠計將奏屯田子邛懼使客諫充國歎曰何言之不忠吾固以死守之既條便宜又云臣竊自惟念奉詔出塞引軍遠擊窮天子之精

兵散車甲於山野雖亡尺寸之功媮得避嫌之便而亡後咎餘責此人臣不忠之利非明主社稷之福老臣款款但期濟事利國不肯苟從詔書乃知衛青霍去病謹奉帝命馳驅萬里猶妾婦之順非充國所謂忠也義渠安國驅羌使合而楊玉等叛趙充國散羌使離而楊玉等誅安國之所以失充國之所以得也辛武賢等請置先零擊罕开其尚循安國之失而不悟乎然安國縱羌啟亂不聞顯誅趙邛從父擊羌有功反



史記二編 卷一
以洩張安世語下吏自殺宣帝亦失刑矣

漢書卷一百一十一 匈奴傳第十一
匈奴者天之驕子也。無禮義之節。自天地剖判。聖人作。而未有禮義之時。天下皆亂。諸侯相攻。無有定時。是以周文王受命。始立禮義。而天下歸之。故孔子作春秋。而天下歸之。禮義者。天下之歸也。匈奴者。天之驕子也。無禮義之節。自天地剖判。聖人作。而未有禮義之時。天下皆亂。諸侯相攻。無有定時。是以周文王受命。始立禮義。而天下歸之。故孔子作春秋。而天下歸之。禮義者。天下之歸也。

匈奴歸漢

宣帝五鳳之際。匈奴有五單于。呼韓邪單于者。虛閭權渠單于子稽侯狁。姑夕王烏禪幕所立也。屠耆單于者。握衍胸鞮單于之從兄薄胥堂都隆奇右賢王所立也。呼揭單于者。呼揭王車犁單于者。右與鞮王。烏藉單于者。烏藉都尉皆竊號自立也。既烏藉呼揭去單于號。尊輔車犁。屠耆兵敗自殺。車犁亦降呼韓邪。匈奴漸壹亂。可少止。而閏振郅支兩單于復起。閏振者。屠耆

從弟休旬王郅支者。呼韓邪兄呼屠吾斯也。郅支擊殺閏振。敗呼韓邪。左伊秩訾王勸呼韓邪事漢。郅支亦遣子入侍。後怨漢擁護呼韓邪不助已。殺谷吉等。結康居叛。陳湯甘延壽矯制發兵。斬其頭致闕下。呼韓邪喜懼。入朝元帝。願累世守藩。夫武帝設權馬邑。快心狼望。勞師費財。戰爭數十年。匈奴未肯稱臣。宣元雍容廟堂。坐制強夷。修節忠孝。保塞無貳。豈材畧勝先帝哉。單于內亂。家族破滅。俯仰天朝。示威城郭。故甘

絀節而不厭也。隋唐之世。突厥最強。其後沙鉢畧與阿波爭。則朝文帝。啓民與都藍爭。則朝煬帝。頡利與突利相疑。懼則盡服。太宗爲唐。臣離合之勢。猶漢匈奴夷性。鳥獸見利而趨。見害而避。中國攻之。孰若其內自攻哉。左大都尉死。而骨肉交惡。握衍胸鞬立。而干戈競起。禍皆成于閼氏。左伊秩訾兄女二人。妻呼韓邪。能鑒前敝。立長定國。匈奴以婦人亂。以婦人治。亦彬彬禮讓之效也。宣帝時。馮奉世矯諸國兵。擊破莎車。

史記二編 卷一 五三
帝欲封之。蕭望之持不可。元帝時延壽湯誅鄧
支于康居。功尤大。匡衡比石顯。反指爲罪。說則
緣于望之。以儒生守經之常論。資奸臣嫉妒之
口實。幾何而不爲趙殺李牧。秦誅白起哉。

恭顯用事


班固傳漢佞幸寵臣。云高祖時有籍孺。孝惠有
閔孺。孝文時士人則鄧通。宦者則趙談。北宮伯
子。孝武時士人則韓嫣。宦者則李延年。孝元時
宦者則弘恭。石顯。孝成時士人則張放。淳于長。
孝哀時則有董賢。然高惠文武成哀所寵類以
臥起婉媚。外家親戚繫戀其心。公卿因而關說。
天子暱而不化。恭顯於元帝無是也。顯濟南人。
恭沛人。少坐法腐刑。爲中黃門。宣帝時任中書。

史記卷一百一十一 卷一 五十三
官。元帝卽位。遂委以政。其人雖左右掃除乎。固先帝舊臣也。孝元因循前非。又謂中人無黨。心脅倚之。初元二年春。卽下蕭望之。周堪。劉更生。獄。冬十二月。而望之自殺矣。其後張猛。京房。陳咸等。無不得罪者。竊疑元帝寬弘恭儉。徵用儒生在位十五年。刑罰罕用。獨爲顯除讐酷於虐。主嗚呼。胡亥任趙高。而天下亂。元帝任石顯。而直臣死。高之殺人。用亥之暴。顯之殺人。用帝之柔。降而東漢桓靈。猶元曹節。王甫。張讓。趙忠等。

猶顯漢室竟亡。柔與暴庸愈乎。望之自殺時。是歲弘恭亦死。海內方快肘腋二奸先去。其一小人漸孤。有匪風下泉之思。而顯獨無恙。根抵益深。與帝終始。夫惑人主危國家者。豈在多人哉。一而足矣。匡衡。貢禹。昌言於元帝之朝。而不敢斥石顯。杜欽。谷永。高談於成帝之前。而不敢斥王氏。犯乘輿者無罪。指權倖者必誅也。元帝旣崩。成帝卽位。顯失倚。離權。衡始奏其惡。顯與妻子徙歸故郡。道病死。王尊劾匡前者阿諛。誠當。

然石顯方免王鳳秉政董賢甫死王莽宰衡元
 帝寵宦官哀帝寵弄臣非獨自覆適資王氏耳
 是故篡漢者外戚成外戚之篡者佞倖論世者
 蓋謹而志焉

終



真和生成

真和生成

